

**Katerisimaartarnernut, ininut kikkunnit tamanit iserfigineqarsinnaasunut
assartuutinullu killilersuigallarnerit pillugit Namminersorlutik Oqartussat
nalunaarutaat nr. 2, 4. januar 2021-meersoq**

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi, Inatsisartut inatsisaatigut nr. 1, 1. april 2020-meersutigut allanngortinneqartumi, §§ 6, 12 a aamma 12 b, aamma § 29, imm. 2 malillugit aalajangersarneqarpoq:

Atuuiffiata killilerneqarnera

§ 1. Nalunaarummi §§ 2-4 katersuunnernut naalakkersuinikkut allatulluunniit isummersornissamik siunertalinnut atuutinngillat.

Imm. 2. Nalunaarummi § 5 napparsimavinnut, nakorsiartarfinnut kiisalu nakorsiartarfinnut namminersortunut niuertarfinnilu peqqissaanermik naalagaaffimmit akuerisaallutik ingerlatani ingerlatsisunut atorfekartitsiffiusunullu atuutinngilaq.

Imm. 3. Nalunaarut ulluunerani neqeroorutinut namminersortunut pisortaniillu pigineqartunut, atuarfinnut, ilinniarfeqarfinnut il.il. atuutinngilaq, nappaatit tunillaassortut akiorniarlugit iliuutsit pillugit Inatsisartut peqqussutaanni § 22 takuuk.

*Aaqqissuussinernik il.il., peqataaniarnermi kommuninit allanit angalaqqaarluni
peqataaffigineqarsinnaasunik inerteqquteqarneq*

§ 2. Illup iluani silamilu aaqqissuussanik, nalliuttorsiornernik, sammisaqartitsinernik assigisaannilluunniit ingerlataqarnerit, nalinginnaasumik aaqqissuussanut, nalliuttorsiornernut, sammisaqartitsinernut assigisaannulluunniit peqataaniarnermi kommuninit allanit angalaqqaarluni peqataaffigineqarsinnaasut taamatulluunniit naatsorsuuteqarfigineqartut inerteqqutaapput, taamaattorli imm. 2 aamma 3 takukkit.

Imm. 2. Aaqqissuussani, nalliuttorsiornerni, sammisaqartitsinerni assigisaannilluunniit peqataanissamut nalunaarnissamik piumasaqaatilinni inuit kommuninit aamma nunanit allaneersut aaqqissuussamut, nalliuttorsiornermut, sammisaqartitsinermut assigisaannulluunniit peqataasussatut nalunaarsorsinnaannginnissaat aaqqissuussisup qulakkiissavaa. Oqaaseqatigiit siullit eqqortinneqarpata, aaqqissuussineq, nalliuttorsiorneq, sammisaqartitsineq assigisaalluunniit ingerlanneqarsinnaapput, taamaattorli §§ 3 aamma 4takukkit.

Imm. 3. Pikkorissartitsinerit, isumasioqatigiinnerit assigisaallu imm. 2-mi ilaapput.

Imm. 4. Namminerisamik aaqqissuussinerit, soorlu kuisitsinerit, inuuissiornerit, apersortinnerit, soraarummeertoqarneranut atatillugu nalliuttorsioritsinerit, katinnerit ilisinerillu imm. 1-im iilaanngillat. Namminerisamilli aaqqissuussinerit § 3, imm. 1-im aamma § 4, imm. 1-im iilaapput.

Illup iluani aaqqissuussinerit il.il., kommuninit allaneersuunngitsunik peqataasullit

§ 3. Illup iluani aaqqissuussinerit, nalliuottorsiorerit, sammisaqartitsinerit assigisaallu § 2-mi ilaangitsut amerlanerpaamik 100-nik peqataasoqqaqusaapput, § 5-imillu maleruaassallutik.

Imm. 2. Aaqqissuussisoq aaqqissuussamut, nalliuottorsiorermut, sammisaqartitsinermut assigisaannulluunniit inuit peqataanissaannut toqqaannartumik kajumissaarissanngilaq.

Silami aaqqissuussinerit il.il., kommuninit allaneersuunngitsunik peqataasullit

§ 4. Silami aaqqissuussinerit, nalliuottorsiorerit, sammisaqartitsinerit assigisaallu § 2-mi ilaangitsut amerlanerpaamik 250-inik peqataasoqqaqusaapput.

Imm. 2. Aaqqissuussisoq aaqqissuussamut, nalliuottorsiorermut, sammisaqartitsinermut assigisaannulluunniit inuit peqataanissaannut toqqaannartumik kajumissaarissanngilaq.

Ininut kikkunnilluunniit iserfigineqarsinnaasunut piumasaqaatit

§ 5. Inuussutissarsiummik ingerlatallit aamma suliffeqarfiiit pisortanit pigineqartut ininik kikkunnit tamanit iserfigineqarsinnaasunik pigisallit piumasaqaatinik makkuninnga naammassinnissimassapput:

- 1) Inuit inimut qatserisartoqarfinni oqartussaasunit akuerineqarsimasumut isersinnaatitaasut amerlanerpaaffissaasa affaannaat isersimaqqusaapput. Inini qatserisartoqarfinni oqartussaasunit akuersissutitaqartinneqanngitsuni, natermi 4 m²-iusumi amerlanerpaamik inuk ataasiinnaaqquaavoq. Nateq 4 m²-imit mikineruppat oqaaseqatigiit aappaat apeqquataatinnagit inuup ataasiinnaanissaa akuerineqarsinnaavoq. Nateq oqaaseqatigiit aappaanni pineqartoq qanoq pequteqartiginera apeqquataatinnagu iikkamiiit iikkamut naatsorsorneqassaaq.
- 2) Ajornangippat init imatut pequsersorsimassapput suliffeqarfiiillu imatut ingerlanneqassallutik tuniluunnissaq minnerpaaffianiitinneqassalluni, tassunga ilanngullugu pisisartut pulaartullu imminnut qanillinnginnissaat periarfissaqartillugu.
- 3) Inimi ininluunniit tamanit iserfigineqarsinnaasuni eqqiliusaarnissaq ileqqorissaarnissarlu pillugit Nunatta Nakorsaaneqarfianit paasissutissanik nivinngaasoqassaaq.
- 4) Sulisut tamarmik Nakorsaaneqarfiuup eqqiluisaaqqissaarnissamik ileqqorissaarnissamillu innersuussutaanik malinninnissaat qulakkeerneqassaaq.
- 5) Pisisartunut pulaartunullu ajornangippat imermik qaorsaammillu imaluunniit assammut spritimik peqassaaq.
- 6) Nerisassanik poortorneqarsimannngitsunik tuniniaanermi sulisut aaqqateqassapput.

§ 6. Inuussutissarsiummik ingerlatalik politiit naliliinerat malillugu § 5-imik unioqqutitsisimappat, inuussutissarsiummillu ingerlatalik § 5-imik malinninnissa ilimagineqanngippat, inuussutissarsiummik ingerlatalik inip piffissami aalajangersimasumi tamanut matoqqatinnissaanik politiinit peqquneqarsinnaavoq.

Assartuutinut piumasaqaatit

§ 7. Assartuutit issiaffiusinnaasut sinnerlugit ilaasoqequsaanngillat. Oqaaseqatigiinnik siullernik eqqortitsinissaq assartuummik piginnittup akisussaaffigaa.

Pineqaatissiissuteqartarneq

§ 8. Aaqqissuussisut §§ 2-4-nik unioqqutitsisut pinerluttulerinermik inatsit malillugu pineqaatissinneqarsinnaapput.

Imm. 2. §§ 5-imik aamma 7-imik unioqqutitsisoq imaluunniit § 6 malillugu peqqusummik unioqqutitsisoq pinerluttulerinermik inatsit malillugu pineqaatissinneqarsinnaavoq.

Imm. 3. Ingerlatseqatigiiffit il.il. (inatsisilerinermi inuttut immikkoortutut isigineqartut) pinerluttulerinermik inatsimmi kapitali 5-imi malittarisassat malillugit pinerluttulerineq pillugu inatsiseqartitsinikkut akisussaatinneqarlutik pineqaatissinneqarsinnaapput.

Imm. 4. Akiliisitsinerit nunatta karsianut tussapput.

Atuutilersitsineq, atorunnaarsitsineq piffissarlu atuuffissaa

§ 9. Nalunaarut 5. januar 2021 atuutilissaq.

Imm. 2. Nalunaarut malillugu killilersuinerit, inerteqquteqartitsinerit, peqqusinerit il.il. 30. aprili 2021 ilanngullugu atuutissapput.

Imm. 3. Inuit ulloq 20. Juni 2020 sioqqullugu § 2, imm. 2-mi allattorsimasut malillugit aaqqissuussanut, nalliuottorsiorernut, sammisaqartitsinernut assigisaanulluunniit peqataaniarlutik nalunaarsorsimasut taakkungunnga peqataasinnaapput.

Imm. 4. Peqatigisaanik atorunnaarsinneqassapput:

1) Katerisimaartarnernut, ininut kikkunnit tamanit iserfigineqarsinnaasunut assartuutinullu killilersuigallarnerit pillugit Namminersorlutik Oqartussat nalunaarutaat nr. 21, 19. juni 2020-meersoq.

2) Katerisimaartarnernut, ininut kikkunnit tamanit iserfigineqarsinnaasunut assartuutinullu killilersuigallarnerit pillugit Namminersorlutik Oqartussat nalunaarutaat nr. 28, 31. juli 2020-meersoq.

Namminersorlutik Oqartussat, ulloq 4. januar 2021

Anna Wangenheim (sign.)

/

Martin Pedersen (sign.)